

Orde do 10 de xaneiro de 2011 pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

A regulación da actividade de marisqueo a pé atópase recollida nos artigos 27º e seguintes da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, no Decreto 425/1993, do 17 de decembro, polo que se refunde a normativa vixente sobre o permiso de actividade de pesqueira e marisqueira, así como na Orde do 31 de maio de 1995 pola que se regula a expedición e revalidación do permiso de explotación para exercer a actividade.

Esta normativa establece que, con carácter xeral, as/os mariscadoras/es deben cesar na súa actividade, dándose de baixa no censo correspondente, no mesmo día que fagan os 65 anos, polo que, en tales circunstancias, poderían solicitar a correspondente pensión de xubilación, de conformidade coa normativa vixente en materia de seguridade social.

Non obstante, existe un colectivo de mariscadoras/es que ao finalizar a súa actividade profesional por facer a idade anteriormente indicada non pode gozar da pensión de xubilación por non ter o período mínimo de cotización requirido pola Seguridade Social.

Así mesmo, o desenvolvemento de disposicións en materia de seguridade social que instrumentaron, mediante a institución do convenio especial, a inclusión de distintos colectivos en diversos réximes do sistema permite, na actualidade, dar solución e cobertura a estas/es mariscadoras/es.

Deste xeito, faise necesario o establecemento de axudas que permitan colaborar no pagamento das súas cotizacións para completar, mediante a subscripción dun convenio especial coa Seguridade Social, os seus períodos mínimos de cotización ao réxime especial dos traballadores do mar, co obxecto de alcanzar unha pensión de xubilación.

Polo que, de acordo con todo o exposto e con suxeición ao sinalado na Lei 9/2007, do 13 de xuño, de subvencións de Galicia, esta orde establece as bases reguladoras das axudas, durante 2011, para que as/os mariscadoras/es a pé poidan completar os períodos mínimos de cotización ao réxime especial dos traballadores do mar, mediante a subscripción de convenio especial, co obxecto de alcanzar a pensión de xubilación na súa modalidade contributiva.

En consecuencia, facendo uso das facultades que me confire o artigo 34º da Lei 1/1983, do 22 de

febreiro, de normas reguladoras da Xunta e da súa Presidencia,

DISPOÑO:

Artigo 1º.-*Obxecto e ámbito de aplicación.*

1. Esta orde ten por obxecto establecer as bases reguladoras das axudas para que as/os mariscadoras/es a pé poidan completar os períodos mínimos de cotización ao réxime especial dos traballadores do mar, mediante a subscripción de convenio especial, co obxecto de alcanzar a pensión de xubilación na súa modalidade contributiva; así como a súa convocatoria para o ano 2011.

2. Estas axudas serán aplicables en todo o territorio da Comunidade Autónoma de Galicia.

Artigo 2º.-*Beneficiarias/os das axudas.*

1. Poderán solicitar as axudas reguladas nesta orde as/os mariscadoras/es que reúnan os requisitos establecidos no artigo seguinte e que no período comprendido entre o 1 de novembro do ano anterior ao da convocatoria e o 31 de outubro do ano da convocatoria tivesen o permiso de explotación para o marisqueo a pé (permex) en vigor ata o día inmediato anterior á data en que fagan os 65 anos.

Artigo 3º.-*Requisitos das/os beneficiarias/os.*

1. As/os beneficiarias/os deberán:

a) Ter exercido a actividade marisqueira a pé durante os dez anos anteriores á data en que fagan os 65 anos.

b) Ter cotizado á Seguridade Social desde o mes de xaneiro do 2000 de forma ininterrompida ou acreditar un período mínimo de cotización de 11 anos. Non obstante o anterior, bastará un período mínimo de 10 anos para as persoas solicitantes que cumpran as condicións do artigo 2º no período comprendido entre o 1 de novembro e o 31 de decembro do ano anterior á convocatoria.

En cada unha das convocatorias anuais sucesivas que se realicen, a cada período mínimo establecido no parágrafo anterior engadiráselle un ano.

c) Estar ao día, con anterioridade a ditarse a proposta e resolución de concesión, nas súas obrigas tributarias estatais e autonómicas e coa Seguridade Social, así como non ter pendente de pagamento ningunha outra débeda, por ningún concepto, coa Administración pública da comunidade autónoma.

d) Asinar un convenio especial coa base mínima do grupo III, tarifa 9, do réxime especial dos traballadores do mar, ou ter asinado convenio especial de base igual ou superior a aquel.

e) Non ser beneficiaria/o de ningunha outra axuda para a mesma finalidade e non ser perceptora/or de pensión de xubilación ou incapacidade permanente.

f) Non estar incurso/a en prohibición que lle impida ter condición de beneficiaria/o de subvencións.

Artigo 4º.-Contía das axudas.

1. As/os beneficiarias/os percibirán unha axuda destinada a aboar o importe do convenio especial que deben subscribir coa Seguridade Social. A contía da axuda será igual ao importe do dito convenio, coa limitación dunha contía máxima de 350 euros mensuais durante o ano a que corresponda a convocatoria.

2. A axuda percibirana ao longo do ano natural e iniciaranse os seus efectos económicos na data de cumprimento dalgunha das condicións indicadas no artigo 2º e nunca antes do 1 de xaneiro do ano a que corresponda a convocatoria.

3. A contía das axudas está condicionada, en todo caso, á existencia de dispoñibilidades orzamentarias.

Artigo 5º.-Dotación orzamentaria.

1. As axudas concederanse por importe máximo de 671.000 euros e imputaranse á aplicación 14.03.722A.780.0, proxecto 2011 00832, do proxecto de orzamentos xerais da comunidade autónoma para o ano 2011.

Esta orde tramítase de acordo co disposto na Orde do 11 de febreiro de 1998, da Consellería de Economía e Facenda, sobre tramitación anticipada de gastos, modificada polas ordes do 27 de novembro de 2000 e do 25 de outubro de 2001, polo que a súa eficacia queda condicionada á existencia de crédito adecuado e suficiente nos orzamentos desta consellería para o ano 2011.

2. Non obstante, prevese a posibilidade de ampliar o crédito en virtude do artigo 31º da Lei 9/2007, de subvencións de Galicia. Desta maneira, o importe consignado en cada convocatoria, así como a aplicación/s á/ás cal/es se impute, poderá ser ampliado en función das dispoñibilidades orzamentarias sen que iso dea lugar á apertura de novo prazo de presentación de solicitudes, salvo indicación expresa en contrario na orde que se publique para o efecto.

Artigo 6º.-Prazo de presentación de solicitudes.

O prazo de presentación das solicitudes será o seguinte:

a) Para as persoas comprendidas no artigo 2º, un mes contado desde o día seguinte ao do cumprimento da situación sinalada que lle dá dereito a ser beneficiario da axuda.

b) Para as persoas que xa obtiveron as axudas na última convocatoria, un mes contado desde o día seguinte ao da publicación desta orde.

Artigo 7º.-Solicitudes.

1. As solicitudes para acceder a estas axudas presentaranse na oficina do Rexistro Único e Información do complexo administrativo de San Caetano ou nas oficinas de rexistro previstas no Decreto 164/2005, do 16 de xuño (DOG nº 121, do 24 de xuño). Así mesmo, poderán presentarse nos demais lugares e formas previstos no artigo 38º.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. As solicitudes formalizaranse nos impresos oficiais que se inclúen no anexo I desta orde e deberán xuntar os seguintes documentos:

a) Copia cotexada do documento nacional de identidade.

b) Informe da vida laboral expedido pola Tesouraría Xeral da Seguridade Social, ou informe expedido polo Instituto Social da Mariña ou Instituto Nacional da Seguridade Social en que conste o cómputo total (cotizados+asimilados) de días de cotización para os efectos de xubilación.

c) Compromiso de subscribir o convenio especial a que se refire a letra d) do artigo 3º co Instituto Social da Mariña (anexo II), ou copia do convenio especial asinado.

d) Declaración de non ser beneficiario de ningunha outra axuda para a mesma finalidade e de non ser perceptor de pensión de xubilación ou incapacidade permanente (anexo III).

e) Declaración responsable de non estar incurso en prohibición que lle impida ter a condición de beneficiario de subvencións (anexo IV).

f) Anexo V debidamente cuberto.

g) Certificación bancaria do número de conta en que se deberá ingresar o importe da axuda.

3. De acordo co establecido no artigo 20º.3 da Lei 9/2007, de subvencións de Galicia, a presentación da solicitude de concesión da axuda comportará a autorización ao órgano xestor para solicitar as certificacións que deban emitir a Axencia Estatal de Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia, co fin de acreditar que a/o solicitante está ao día nas obrigas tributarias e coa Seguridade Social e que non ten pendente de pagamento ningunha débeda, por ningún concepto, coa Administración pública da Comunidade Autónoma galega. Non obstante, a/o solicitante poderá denegar expresamente o consentimento, caso en que deberá presentar as certificacións. Igualmente, se

por razóns técnicas ou doutra índole estes certificados non puidesen ser obtidos polo órgano xestor, poderán serlle requiridos á/ao interesada/o.

4. As/os solicitantes deberán comunicar á conselleira toda variación que se produza na súa situación respecto da Seguridade Social, no prazo máximo dos cinco días seguintes a aquel en que esta se produza.

Así mesmo, no caso de falecemento dalgunha ou dalgún solicitante, este feito deberá ser comunicado polos seus herdeiros, coa maior brevidade posible e dentro dos 10 días seguintes ao falecemento, debendo presentar o certificado de defunción.

Artigo 8º.-*Emenda.*

1. Revisadas as solicitudes pola Subdirección Xeral de Xestión dos Recursos Mariños, poderá reclamarse, en caso de documentación incompleta ou defecto desta, por escrito, ás/aos interesadas/os para que nun prazo de dez (10) días remitan cantos datos, documentos complementarios e aclaracións se consideren necesarios para poder resolver o expediente, coa indicación de que, se así non o fixesen, considerarase que desistiron da súa petición, logo de resolución que deberá ser ditada nos termos previstos no artigo 42º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Sen prexuízo do anterior, en calquera momento do procedemento a Consellería do Mar poderá requirir aqueles datos ou documentos complementarios que resulten necesarios para a tramitación e adopción da resolución que proceda.

Artigo 9º.-*Procedemento de concesión e órgano avaliador.*

1. Polo obxecto e finalidade destas axudas, que se concederán dentro dos límites orzamentarios, a todas/os as/os beneficiarias/os que reúnan os requisitos exixibles, non será necesario realizar nin comparación nin prelación das solicitudes presentadas, polo que neste procedemento non procede a concorrencia competitiva.

2. A concesión destas axudas tramitarase polo procedemento abreviado establecido no artigo 22º da Lei 9/2007, polo que non intervirá o órgano avaliador a que se refire a citada norma legal.

Artigo 10º.-*Resolución e aceptación.*

1. A resolución destas axudas correspóndelle á conselleira do Mar. Non obstante, de acordo co sinalado nos artigos 7º.3 da Lei 9/2007, do 13 de xuño, de subvencións de Galicia, e 13º da Lei 30/1992, do 26 de novembro, de réxime xurídico das administracións públicas e do procedemento administrativo común, a resolución destas axudas queda delegada

no director xeral de Ordenación e Xestión dos Recursos Mariños.

2. A resolución de concesión da axuda, así como a súa notificación ás/aos beneficiarias/os, realizaranse segundo o sinalado no título I da Lei 9/2007 citada.

3. O prazo máximo para a notificación da resolución será de 60 días, que se computarán desde que a solicitude entre en calquera dos rexistros da Consellería do Mar, segundo o disposto no artigo 42º.3 b) da Lei 30/1992, do 26 de novembro, de réxime xurídico das administracións públicas e do procedemento administrativo común, e artigo 2º e disposición adicional primeira, 1, da Lei 6/2001, do 29 de xuño, de adecuación da normativa da Comunidade Autónoma de Galicia á Lei 4/1999, do 13 de xaneiro.

4. A resolución notificaráselles aos interesados para que no prazo de 10 días comuniquen a súa aceptación ou o rexeitamento da axuda nas condicións expresadas nela. Transcorrido este prazo sen producirse manifestación expresa, entenderase tacitamente aceptada a axuda segundo dispón o artigo 21º.5 da Lei de subvencións de Galicia.

Artigo 11º.-*Recursos.*

Contra a resolución que se dite, que pon fin á vía administrativa, poderase interpor, con carácter potestativo, recurso de reposición ante a conselleira do Mar no prazo dun (1) mes, ou recurso contencioso-administrativo ante o órgano xurisdiccional competente no prazo de dous (2) meses, contados, en ambos os dous casos, a partir do día seguinte ao da notificación da resolución, que sempre será expresa.

Artigo 12º.-*Xustificación e pagamento.*

1. A axuda liquidarase mensualmente e é imprescindible para a súa xustificación e pagamento que as/os beneficiarias/os presenten, para o primeiro pagamento, copia compulsada do convenio especial asinado co Instituto Social da Mariña, xunto co anexo VI datado e asinado.

2. A Administración, para o primeiro pagamento, unirá aos anteriores xustificantes a documentación, relativa a cada beneficiaria/o, que se indica a continuación:

a) Certificacións de estar ao día no cumprimento das obrigas tributarias e de Seguridade Social e de non ter débedas pendentes, por ningún concepto, coa Administración da comunidade autónoma.

b) Certificación bancaria do número de conta en que se deberá ingresar o importe da axuda.

3. Para os pagamentos sucesivos bastarán as certificacións de estar ao día no cumprimento das obrigas tributarias e coa Seguridade Social e de non ter débedas pendentes, por ningún concepto, coa Admi-

nistración da comunidade autónoma e o xustificante acreditativo do último pagamento da cota do convenio especial asinado co Instituto Social da Mariña.

Artigo 13º.-Obrigas das persoas beneficiarias.

1. As persoas beneficiarias deberán comunicarlle á consellería calquera modificación das condicións tidas en consideración para a concesión da axuda, no prazo dos cinco días seguintes a aquel en que esta se produza.

2. As persoas beneficiarias someteranse ás actuacións de control, comprobación e inspección que efectúe a consellería, ás de control financeiro que correspondan á Intervención Xeral da Comunidade Autónoma e ás que a lexislación vixente lles atribúe a outros organismos da comunidade autónoma.

3. Igualmente, someteranse ás obrigas establecidas na Lei 9/2007 citada.

Artigo 14º.-Causas de extinción da axuda.

A percepción da axuda extinguirase polas seguintes causas:

a) Por quedar a/o beneficiaria/o comprendida/o, pola realización de actividade, no campo de aplicación de calquera réxime dos que integran o sistema da Seguridade Social.

b) Por adquirir a condición de pensionista de xubilación ou de incapacidade permanente en calquera dos réximes do sistema da Seguridade Social.

c) Por falecemento da/o beneficiaria/o.

d) Por cumprir os requisitos necesarios para causar pensión de xubilación.

e) Pola falta de pagamento reiterada das cotas do convenio especial asinado pola/o beneficiaria/o co Instituto Social da Mariña.

Artigo 15º.-Reintegro.

1. Procederá o reintegro total ou parcial da subvención concedida, así como do xuro de demora correspondente, desde o momento do pagamento da subvención ata a data en que se acorde a procedencia do reintegro, nos supostos establecidos no título II da Lei 9/2007, do 13 de xuño, de subvencións de Galicia.

2. Para o devandito procedemento de reintegro terase en conta o establecido no capítulo II do título II da Lei de subvencións de Galicia.

Disposicións adicionais

Primeira.

1. A Consellería do Mar publicará no *Diario Oficial de Galicia* as subvencións concedidas con

suxeición a esta orde, indicando o programa e crédito orzamentario a que se imputan, beneficiaria/o, cantidade concedida e finalidade da subvención.

2. Así mesmo, de conformidade co establecido no artigo 13º, punto 4 da Lei 4/2006, do 30 de xuño, de transparencia e de boas prácticas na Administración pública galega, a Consellería do Mar publicará na súa páxina web oficial a relación de beneficiarias/os e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

Segunda.-En todo o non previsto nesta orde observarase o disposto na Lei 30/1992, do 26 de novembro, de réxime xurídico das administracións públicas e do procedemento administrativo común, na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, e nos preceptos básicos da Lei 38/2003, do 17 de novembro, xeral de subvencións.

Terceira.-As persoas que percibiron axudas na última convocatoria, pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, para beneficiarse desta convocatoria unicamente deberán presentar os anexos I, III, IV e V, debidamente cubertos, salvo que se atopasen nalgún suposto de extinción da axuda.

Disposición transitoria

Aquelas solicitudes que non puidesen ser atendidas no período correspondente, polo transcurso dos prazos establecidos para a súa resolución e pagamento, poderán ser tomadas en consideración na seguinte convocatoria, trasladando os seus efectos económicos ao posterior exercicio.

Disposicións derradeiras

Primeira.-Facúltase o director xeral de Ordenación e Xestión dos Recursos Mariños para que dite as resolucións necesarias para o desenvolvemento e aplicación desta orde.

Segunda.-Esta orde producirá efectos desde o día seguinte ao da súa publicación no *Diario Oficial de Galicia*.

Santiago de Compostela, 10 de xaneiro de 2011.

Rosa María Quintana Carballo
Conselleira do Mar



XUNTA DE GALICIA
CONSELLERÍA DO MAR
 Secretaría Xeral

Rúa do Valiño, 63-65 – San Lázaro
 15703 Santiago de Compostela
 Telf.: 981 544007 – Fax: 981 545025

ANEXO I

PROCEDEMENTO AXUDAS PARA QUE OS/AS MARISCADORES/AS A PÉ POIDAN COMPLETAR OS PERÍODOS MÍNIMOS DE COTIZACIÓN	CÓDIGO DO PROCEDEMENTO PE152A	DOCUMENTO SOLICITUDE
--	---	--------------------------------

1.- DATOS DO SOLICITANTE

NOME E APELIDOS DO/A SOLICITANTE		DNI	
[]		[]	
ENDEREZO	PROVINCIA	CONCELLO	
[]	[]	[]	
LOCALIDADE	CÓDIGO POSTAL	TELÉFONO	FAX
[]	[]	[]	[]
CORREO ELECTRÓNICO			
[]			

E na súa representación:

NOME E APELIDOS		NIF/CIF	
[]		[]	
ENDEREZO	PROVINCIA	CONCELLO	
[]	[]	[]	
LOCALIDADE	CÓDIGO POSTAL	TELÉFONO	FAX
[]	[]	[]	[]

2.- OBXECTO

AXUDAS	IMPORTE DA SUBVENCIÓN QUE SE SOLICITA
	[]

3.- DECLARO que reúno todos os requisitos da convocatoria.

4.- ACEPTO o compromiso de someterme ás normas da convocatoria e facilitar a información e documentación que se solicite.

AUTORIZO O ÓRGANO XESTOR

Autorizo a consellería de conformidade co artigo 2º do Decreto 255/2008, do 23 de outubro e a orde da Consellería da Presidencia, Administracións Públicas e Xustiza do 7 de xullo de 2009 que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia

SI NON (Neste caso achegar fotocopia)

- A obter dos organismos competentes os certificados de que a entidade que represento está ao día no cumprimento das obrigas tributarias e sociais e non ten débedas pendentes de pagamento á Xunta de Galicia.

- A facer públicos nos rexistros da Lei 9/2007, do 13 de xuño, de subvencións de Galicia, os datos relevantes referidos as axudas e subvencións recibidas, así como as sancións impostas, se é o caso.

- A publicar, en virtude do artigo 13º, punto 4, da Lei 4/2006, do 30 de xuño, de transparencia e de boas prácticas na Administración pública galega, na páxina web da consellería, o feito de seren beneficiario dunha axuda e o seu importe, polo que a presentación da solicitude leva implícita a autorización para o tratamento necesario dos datos do beneficiario.

DECLARO: non estar incurso en ningunha das causas de prohibicións establecidas no artigo 10º da Lei 9/2007, do 13 de xuño, de subvencións de Galicia, para obter a condición de beneficiario duna subvención

En cumprimento do disposto non artigo 5º da Lei orgánica 15/1999, do 13 de decembro, de protección de datos de carácter persoal, infórmase que os datos persoais recollidos nesta solicitude serán incorporados a un ficheiro para ou seu tratamento coa finalidade de xestión deste procedemento. Se o desexa, pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro, no enderezo que figura ao pé desta solicitude

LEXISLACIÓN APLICABLE

Orde do 10 de xaneiro de 2011 pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

SINATURA DO/A SOLICITANTE

_____, de _____ de _____

(Para cubrir pola Administración)

RECIBIDO

[]

REVISADO E CONFORME

[]

NÚMERO DE EXPEDIENTE

DATA DE ENTRADA

___/___/___

DATA DE EFECTOS

___/___/___

DATA DE SAÍDA

___/___/___



XUNTA DE GALICIA
CONSELLERÍA DO MAR
Secretaría Xeral

Rúa do Valiño, 63-65 – San Lázaro
15703 Santiago de Compostela
Telf.: 981 544007 – Fax: 981 545025

ANEXO I (continuación)

RELACIÓN DE DOCUMENTACIÓN QUE SE XUNTA Á SOLICITUDE

- Documento nacional de identidade da/o asinante da solicitude. (Obrigatorio no caso de non autorizar a Administración para consultar os seus datos)
- Informe da vida laboral expedido polo Instituto Social da Mariña á Tesouraría Xeral da Seguridade Social ou á entidade da Seguridade Social que corresponda.
- Compromiso de subscrición de convenio especial co Instituto Social da Mariña (anexo II) ou copia compulsada do convenio especial asinado.
- Declaración de non ser beneficiaria/o de ningunha outra axuda para a mesma finalidade e de non ser perceptora/or de pensión de xubilación ou incapacidade permanente (anexo III).
- Declaración responsable de non estar incurso/o en prohibición para obter a condición de beneficiaria/ou de subvencións (anexo IV).
- Anexo V debidamente cuberto.
- Certificación bancaria do número de conta.



XUNTA DE GALICIA
CONSELLERÍA DO MAR
Secretaría Xeral

Rúa do Valiño, 63-65 – San Lázaro
15703 Santiago de Compostela
Telf.: 981 544007 – Fax: 981 545025

ANEXO II

COMPROMISO DE SUBSCRICIÓN DE CONVENIO ESPECIAL

Don/Dona , con DNI , solicitante das axudas reguladas na Orde do _____ pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

DECLARA que, co obxecto de ser beneficiaria/o das axudas arriba indicadas, se compromete a asinar un convenio especial coa base mínima do grupo III, tarifa 9, do réxime especial dos traballadores do mar.

Lugar e data

_____, de _____ de _____

(Sinatura)

OBSERVACIÓN: as/os solicitantes que tivesen asinado un convenio especial de base igual ou superior ao indicado (convenio especial coa base mínima do grupo III, tarifa 9) non estarán obrigadas/os a cubrir este anexo, salvo que opten pola subscrición do convenio sinalado do réxime especial dos traballadores do mar.



XUNTA DE GALICIA
CONSELLERÍA DO MAR
 Secretaría Xeral

Rúa do Valiño, 63-65 – San Lázaro
 15703 Santiago de Compostela
 Telf.: 981 544007 – Fax: 981 545025

ANEXO III

DECLARACIÓN SOBRE OUTRAS AXUDAS OU PRESTACIÓNS

Don/Dona , con DNI , solicitante das axudas reguladas na Orde do _____ pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

DECLARO BAIXO A MIÑA RESPONSABILIDADE QUE SON CERTOS OS DATOS QUE ABAIXO FIGURAN ACERCA DO FINANCIAMENTO DA ACTUACIÓN:

Axudas concedidas:

- Non solicitei nin se me concedeu ningunha outra axuda para este mesmo suposto.
- Non son beneficiaria/o de prestación de pensión de xubilación ou incapacidade permanente.

Lugar e data:

_____, de _____ de _____

(Sinatura)



XUNTA DE GALICIA
CONSELLERÍA DO MAR
 Secretaría Xeral

Rúa do Valiño, 63-65 – San Lázaro
 15703 Santiago de Compostela
 Telf.: 981 544007 – Fax: 981 545025

ANEXO IV

DECLARACIÓN RESPONSABLE DE NON ESTAR INCURSO EN PROHIBICIÓN PARA OBTEN A CONDICIÓ DE BENEFICIARIO DE SUBVENCIÓNS

Don/Dona , con DNI , solicitante das axudas reguladas na Orde do _____ pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

DECLARO, BAIXO A MIÑA RESPONSABILIDADE:

Que non estou incurso/o en ningún dos supostos da Lei 12/1995, do 11 de maio, de incompatibilidades dos membros do Goberno da Nación e dos altos cargos da Administración xeral do Estado, da Lei 9/1996, do 18 de outubro, de incompatibilidades dos membros da Xunta de Galicia e altos cargos da Administración autonómica, da Lei 53/1984, do 26 de decembro, de incompatibilidades do persoal ao servizo das administracións públicas, nin desempeño ningún dos cargos electivos regulados na Lei orgánica 5/1985, do 19 de xuño, de réxime electoral xeral

E QUE:

Non estou incurso/o en ningunha circunstancia que a inhabilite para ser beneficiaria/o de axudas e subvencións, e en particular:

- Non fun condenada/o mediante sentenza firme á pena de perda da posibilidade de obter subvencións e axudas públicas.
- Non dei lugar, por causa da que fose declarado/a culpable, á resolución firme de calquera contrato celebrado coa Administración
- Non fun sancionada/o mediante resolución firme coa perda da posibilidade de obter subvencións segundo a Lei 38/2003, do 17 de novembro, xeneral de subvencións, ou a Lei 58/2003, do 17 de decembro, xeral tributaria.

Lugar e data:

_____, de _____ de _____

(Sinatura)



XUNTA DE GALICIA
CONSELLERÍA DO MAR
 Secretaría Xeral

Rúa do Valiño, 63-65 – San Lázaro
 15703 Santiago de Compostela
 Telf.: 981 544007 – Fax: 981 545025

ANEXO V

AUTORIZACIÓNS EXPRESAS

Don/Dona , con DNI , solicitante das axudas reguladas na Orde do _____ pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

AUTORIZO DE XEITO EXPRESO A CONSELLERÍA DO MAR

1º) Para pedir ao Instituto Social da Mariña, á Tesouraría Xeral da Seguridade Social ou á entidade da Seguridade Social que corresponda información da miña vida laboral, para os únicos efectos da orde indicada.

2º) Para solicitar do Instituto Social da Mariña a realización do estudo de xubilación relativo ao solicitante, para os únicos efectos da orde indicada.

3º) Para solicitar ao Instituto Social da Mariña, á Tesouraría Xeral da Seguridade Social ou á entidade da Seguridade Social que corresponda información sobre o convenio especial que, de ser o caso, tivese asinado, para os únicos efectos da orde indicada.

Lugar e data:

_____, de _____ de _____

(Sinatura)



XUNTA DE GALICIA
CONSELLERÍA DO MAR
 Secretaría Xeral

Rúa do Valiño, 63-65 – San Lázaro
 15703 Santiago de Compostela
 Telf.: 981 544007 – Fax: 981 545025

ANEXO VI

SOLICITUDE DE LIQUIDACIÓN DE AXUDA

Don/Dona , con DNI , beneficiario/a das axudas reguladas na Orde do _____ pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2011, tramitada como expediente anticipado de gasto.

SOLICITA:

A liquidación da primeira mensuralidade da axuda concedida, para o que xunta copia compulsada do convenio especial asinado co Instituto Social da Mariña.

Lugar e data:

_____, de _____ de _____

(Sinatura)